

կոպրոս չկարացեալ տանել այսմ, մատոյց գիր աղաջանաց առ Մէլիք Նասր Սուլթանն Եգիպտոսի . և նա գրեաց հրովարտակ (Խաթիթի Շէրիֆ) առ զատուորս և գործակալս Երուսաղէմի, պատուիրելով այսպէս . « Ուխտաւորքն Հայոց որք գան յԵրուսաղէմ . եթէ ոք 'ի նոցանէ մնացէ անդ աւելի քան զամ մի, յամին երկրորդի տացեն զտարեկան հարկն, ըստ սովորութեան տրոցն ուխտաւորաց . և եթէ ոչ մնացէ ոք, զադարեսցի Սիւլէյման Իպն Աչրաֆ, և արք նորա 'ի հակառակութենէ, սակն հարկաց և այլ իրաց : Եւ եթէ նոքա ըստ հրամանի թաղաւորին հատուցանեն զհարկն, մի ոք բռնացի 'ի վերայ նոցա, և մի ոք պահանջեսցէ ըստ կամաց իւրոց աւելի զիրս ինչ, որ չէ ինքեան հարկաւոր, և ոչ նոքա պարտաւոր, հաւատացէք սմա և ըստ այնմ գործեսցէք, առանց թիւրեւոյ զիմաստս և զվճիռս նորին, 'ի \7 Շապան ամսոյ՝ ԼԹ (1400) :

Է և այլ հրովարտակ, զոր առեալ են վասն անդորրութեան ուխտաւորաց, եւ ծտար ազգաց խաղաղութեամբ վարիլ ընդ միարանս Հայոց, թերեւս 'ի տաճարին Սուրբ Յարութեան յաւուր ձրադալուցի Պասեքին, որպէս ակնարկեն բանք հրովարտակին : Սակայն 'ի թերութենէ նորին չէր հնար խմանալ զանուն Սուլթանին : Ուր ասէ՝ Եպիսկոպոսն Հայոց հանգերձ վարդապետովք իւրովք մատոյց գիր աղաջանաց յատեանն Եգիպտոսի, յորում խընդըրէր չպահանջել այլազգեաց զտուրս 'ի գուռն Ս. Յարութեան յուխտաւորաց և յայլոց 'ի մասնելն 'ի ներքս : Եւ եկեղեցականք Վրաց, Հապեշաց եւ Յունաց, յորժամ մտանեն 'ի Գերեզմանն Քրիստոսի վասն ուխտի, հաւաստութեամբ մտցեն, և ամենեքեան 'ի միապին կատարեսցեն զպաշտամունս իւրեանց . ըստ տրամադրութեան առաջին հրովարտակաց, զորս ունին իւրաքանչիւր ազգ 'ի ձեռս իւրեանց . 'ի \8 Ծէմադիլ էփփէլ ամսոյ՝ ԼԹ (1411) :

Պօղոս Եպիսկոպոս յԱրարատոյ, զինի Սարգսի յաջորդեաց զԱթոռն Պատրիարքական : Սա գնեաց զպարտէզն ձիթենեաց 'ի ձորն Գեթսեմանի 'ի վերին կողմն գերեզմանի Սուրբ Աստուածածնի, որոյ մուրհակն պահի ցարդ առ մեզ՝ ԼԹ (1413) : Բայց յետ ժամանակաց այլազգիք վերստին տիրեալ են տեղւոյն, եւ ապա վերստին գնեալ